



庫車州鄉土志

地010.63
1539



庫車州



庫車州鄉土志



攷庫車州古雍州地漢名龜茲本三十六國之一自漢博望後張騫奉使西域始通中國後迺內屬唐之安西都護府元明之巴什伯里皆即其地我

朝乾隆二十三年平定準回始入版圖二十四年設庫車辦事大臣一員同治三年土回馬澂等由庫車首禍回疆全境相繼淪陷至光緒三年南北兩路肅清設庫車善後總局領民事於城南百八十里沙雅爾設善後分局十年新疆列為行省分置郡縣設庫車直隸撫民同知暨照磨佐職二十九年因地勢廣袤實有鞭長莫及之勢不足以資治理將庫車廳改升為庫車直隸州分沙雅爾境新設沙雅爾仍隸庫車州轄屬現庫車州領縣一吏目一典史一額徵糧一萬六百六十八石五斗三升九合二勺養廉銀八百兩公費銀七百兩

政績錄

從前檔冊經兵燹反燼纏民椎魯未有野史稗官辦事大臣即有善政故實難詳開省以後百廢具舉歷任疆理區畫雖無新奇可紀然於地方農田水利及一切善後事宜頗具經營書役官差並未行有苛派累民弊政查乾隆間回民五萬戶經霍集

占之亂連遭饑饉子遺僅千戶大軍平定庫車時城中惟餘羊
七隻牛三頭迄今百有餘年中間間遭兵亂而歷經滋養生息
培復元氣雖最貧苦之小戶亦有牛羊駝馬出有衣入有食吉
凶皆能成禮歌舞昇平惟漢纏撫回相逼難處整頓巡警稽查
戶口實守斯土者所以留心焉

萬壽宮在州治南

聖廟在州治南迤西

文昌閣在州治南迤西

關帝廟在州治南迤西

城隍廟在州治南

劉猛將軍廟在州治南迤西

昭忠祠在州治南迤西

龍王廟在州治北

右列入

祀典諸神地方官朔望行香春秋致祭

方神祠在州治北政方神原湖南善化人姓黃名桂芳道光間
官喀什偏裨黑水之圍張逆等灌城急獨慨然忠義憤激投城
赴水誓以身殉須臾下流缺口開城保無虞民德而祠祀之輒

祈禱無不靈驗南路各城漢纏爭奉香火地方官朔望行香亦為民請命之意也

電報房在州治西

蒙養學堂二在州治西迤南就義塾改建齋房二所講堂一體操廠一每學堂教習一名學童十名

巡警房四分設回城伍長四名巡丁十六名

兵事錄

乾隆二十三年小和卓木霍集占回伊犁逃歸倡亂南路逆回並應之庫車為大軍進剿衝要賊目河布都克勒木據城守六

月我師自庫車進兵遣侍衛達克他那駐守城東路之托和奈道截賊援賊自城西路來援我師敗之鄂根河遂收庫車城破竹之勢越二十四年諸賊悉平

同治三年四月庫車土回馬隆等潛結外匪田拉滿蘇拉滿謀為亂已亥率黨反焚庫城五月壬寅辦事大臣薩凌阿英吉沙爾領隊大臣文藝葉爾羌幫辦大臣武仁布死之家屬皆殉札薩克郡王愛瑪特被脅不屈亦遇害一隅肇亂禍勢蔓延關外全局已不堪問光緒元年

特命陝甘爵聞部堂左 出關征剿至三年九月克復庫車不數

月而南疆諸城悉行收復

十九年劉丞人佺莅茲土土回謀為不軌約於迎春日起事謀
滅搜獲渠魁正法兵萌潛釋闔境乃安

二十二年湟回劉四伏叛亂西竄經前任巡撫部院饒 派各
營旂分扼堵擊逆首旋就擒正法餘回男婦長跪哀號乞降先
後撫回裔集斯土生聚益繁杞憂彌切卑職履任多民無業者
懇求給地因稟請改將前辦世襲兵地給予安插業經奉准在
業堆纏回愚純漢回狡黠世襲兵地區分一處與纏民地無繫
轆而水源經百餘里沙磧戈壁艱於疏通渠道前任將牧試辦

係借用排樓莊纏民渠水將牧因有將排樓莊渠開寬挖深之
議今係給予漢回勢必不能相安卑職踏勘情形繞避沙磧開
獨渠一道現已工竣水利無阻就此安插以俾各安耕鑿

庫車營游擊一員領步隊一旂駐漢城游擊府署

守備一員領馬隊一旂駐城北門外內一棚分駐城東路八十
里托和余一哨分駐南距庫車城百八十里新設沙雅縣城

耆舊錄

庫車回子郡王瑪木特係庫車纏族舊籍其始祖溫對於乾隆
二十一年大兵征剿新疆地方親往吐魯番巴里坤交界地名

依藍庫布克迎接因為鄉導克復庫車當蒙

賞准保獎散秩大臣銜貝勒即放庫車阿奇木後調委葉爾羌阿奇木乾隆四十三年在任病故伊子鄂索滿而滿哈瑪特愛三而邁哈瑪特溫對而伊薩克道光六年隨同大兵克復喀什噶爾擒獲逆首張格爾押送進京建立奇功蒙

賞加郡王銜並賞戴雙眼花翎巴圖魯卒後愛瑪特承襲同治三年逆回變亂五月初一日郡王愛瑪特帶兵力戰陣亡蒙

恩照例議卹其子阿米特承襲王公爵職先是阿米特於道光六年隨伊祖督修河工十九年十月督修阿克蘇城工二十六年

督修阿克蘇渠道均以在事有功疊蒙

嘉獎同治三年其父陣亡阿米特往喀喇沙爾借兵求救遇賊拏至喀什噶爾光緒三年大兵克復南路八城始歸稟請承襲効

力

天朝承

恩罔替亦塞外觀感之一助焉

人類

漢民 寄籍

纏民 有土著有寄籍

回民 老戶係白逆裏脅出關流寓於此新戶係收撫遼回劉
逆餘衆安插於此

戶口

漢 男六百二十三丁女六十六口

纏 男三萬七千一百八丁內小丁一萬六千一百七十五丁
女三萬三千七百一十九口內小口一萬三千八百四十
口

回 男一千八百八丁女一千四百五十二口

實業

士 三十四人

農 一萬八千二百四十五人

工 皮匠三百六十四人 木匠二百五十九人 裁縫一百

二十五人 砌匠一百八十三人 染匠六十五人 鐵

匠二百十六人 銀匠六人 銅匠八十四人 漆匠十

三人

商 三千五百五十七人

氏族

纏回有名無氏男子命名多雷同俱從彼教經語中取義女子

命名則取義花菓名色如塔喜即鷄冠花金蓮絲即櫻桃之類
宗教

喇嘛 崇信西番佛教經通曉經義者考取者為黃教但知唸
經不通解義者為紅教本境無此教

天方回教 攷默德那國王穆罕杰德生而神靈有大德臣服
西域諸國諸國尊號為賠昂伯爾猶華言天使云其教專以事
主為本而無像設其經有三十六本凡六千六百餘章隋開皇
時始傳其教於中國現在此教有老教新教之分天主耶穌等
教尚未流傳

地理

庫車在省城西南一千九百六十里

城東二百六十里拉溢蘇界輪台

城東南六百六十里漫加橫水界新平

城南迤東三百二十六里阿拉烏拉克一帶砂磧與羅布淖爾

接壤

城南八十五里界沙雅爾亮噶莊

城西南一百一十里哈拉胡水莊界沙雅爾

城西北九十里托和拉旦達坂界拜城縣所屬之和色爾地方

城北二百五十里秦來買提達坂界焉耆府所屬之著勒都斯城東北五百六十里疊拉爾界輪台

東北地勢廣袤北面倚山方城依山岡為基近城地多培塿間可耕種去城二十里迤東有小佛洞六十里蘇巴什有大佛洞皆鑿穴而繪佛像去城益遠則雪山奇寒不可居處多野牛獺鹿多側柏黃連紫草麻黃甘草雪蓮夏枯草冬蟲夏草之類夏日草肥土人來此游牧北山之水南流為龍口河是為城東水源所出東面近城地皆沃壤龍口河流為三支分渠十餘道及東鄉泉水二道注陰東迤南去城十里有破墻一段長五里許

係土城修築堅實土人傳以漢時屯兵之所東去城百數十里為大戈壁戈壁自東迤南則城上河即密爾特彥河流為沙哈里克草湖再迤南則由城西面南去沙雅爾之渭干河經沙雅爾折而東流復入庫車分二支一流為爾漫柯海子一流為恰洋河入塔里木河河南北特里本草湖及城東面迤北一帶草湖皆庫車游牧地

西南以分沙雅爾界壤地不甚寬廣南面沃野平疇城西北來渭干河之渠水及南鄉泉水一道並分城東渠西南流之水注陰

西面迤北皆山托和拉旦達坂之西南俯瞰渭干河有千佛洞
山之上下前後鑿洞四五百處皆五彩金粉繪西番佛像甚莊
嚴最高一洞三楹壁鑿白衣大士像漢楷輪迴經一部餘皆西
番字迹不知誰氏之為近城山岡不可耕種自西迤南沿渭干
河兩岸皆沃野平疇渭干河東西各渠水注陰

山水

城北面山自迤西千佛洞山勢物折蜿蜒東趨綿互全境北岸
達坂名稱各異統為汗騰格里山即自葱嶺來之北山西接阿
克蘇之木素爾嶺東連布告爾之博羅圖山

渭干大河經城西鄉去沙雅爾再經沙雅爾東入城東南鄉攷
水經注為古龜茲西川水其源出阿克蘇之木素爾嶺在拜城
縣屬為和色爾河由城西北千佛洞側流入其委匯經城東南
界之塔里木河去羅布淖爾夏秋水盛褰裳不能涉西鄉土人
置有渡船乾隆間副都統愛隆阿大殲賊衆於鄂根河岸即其
地

龍口河自城北岸之北山澗出經城東鄉南流分為三支一葉
斯巴什河一烏恰薩依河一密爾特彥河攷水經注為古龜茲
東川水源委均不出境內

道路

庫車東至輪台

庫車城東過密爾特彥河烏恰薩依河葉

托和奈驛過戈壁凡七十

哈爾巴驛過戈壁凡七十里

河爾巴特驛與阿克蘇之傷台同名各地凡五十里至拉

庫車西至拜城

庫車城西北四十里夏德郎卡倫又三十里至托和拉旦驛從山

托和拉旦驛俗名蓋山口二十里托和拉旦達坂拜城縣屬

庫車南至沙雅爾

庫車城南六十里長興八柵又

庫車西南至和闐小路

庫車城西南六十里過渭干河又三十里至托克蘇又經

物產

動物

馬 牛 羊 驢 牛皮 羊皮 羊毛 馬皮 均出產大

宗 捨捌皮 狐皮 所產無幾

植物

小麥 苞穀 稻穀 棉花 苜蓿 核桃 桃子 石榴
糜子 西瓜 甜瓜 沙棗 椴栎 杏乾 梨子 物質較
各城為佳價值亦賤

鑛物

銅 產城東北北山質頗佳不甚旺歷經開採歲得萬數千觔
不等

磁砂 產北山培壤多石銅之處質最佳合電局用惟不因採
挖所產無多春夏秋山硿中皆大夜望如萬點星光人不可近
冬日極寒時大雪火熄土人往取砂亦身而後可入砂皆產硿

中如鐘乳形故難得也

白礬 產城東北所出無幾

嵐炭 煙煤 產城東北北山穀木地應用

硫磺 鐵 鉛 所產無幾

商務

進口貨以洋商布疋為第一大宗纏回服飾人人取資宗數甚
多各宗銷用為數亦夥其洋鐵洋漆瓷各器皿亦皆需用惟每
歲所銷不多

皮毛實出口土貨第一大宗多為俄英洋商販運出境無從查

改實數所有近年經商販運出境者列表於左

貨物	牛皮	馬皮	羊毛	老羊皮	羊羔皮	羊羔袍角
二十九年 貨數	七千七 百觔	一千三 百觔	九萬九 千觔	五萬六千 六百觔	五千五 百觔	三 百件
三十年 貨數	七千八 百觔	一千三百 五十觔	九萬八 千觔	五萬六 千觔	五千六 百觔	三百一十 件
三十一年 貨數	六千九 百觔	一千二百 五十觔	九萬九千 六百觔	六萬一 百觔	五千八 百觔	三百五十 件
三十二年 貨數	七千九 百觔	一千四 百觔	九萬七 千觔	五萬九 千觔	五千四 百觔	三百十五 件
落地	俄羅斯	俄羅斯	英吉利	俄羅斯	俄羅斯	省垣

錄徐家雁天主堂藏書樓舊抄本



古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室